

KENYATAAN MEDIA

20 DISEMBER 2022

**Suruhanjaya Tenaga**  
*(Energy Commission)*  
No. 12, Jalan Tun Hussein,  
Precinct 2,  
62100 Putrajaya,  
Malaysia.  
T : +603 8870 8500 F : +603 8888 8637  
Toll Free : 1-800-2222-78(ST)

## **ST Nasihat Orang Ramai Utamakan Keselamatan Elektrik di Musim Banjir**

PUTRAJAYA, 20 Disember – Suruhanjaya Tenaga (ST) memandang serius berkaitan dengan insiden kemalangan elektrik yang telah meragut tiga (3) nyawa di Kampung Morak, Tumpat, Kelantan baru-baru ini. ST amat bersimpati dan bersedih di atas kejadian yang berlaku dan mengucapkan takziah kepada keluarga mangsa kemalangan.

Berikutan insiden ini, pihak ST sedang menjalankan siasatan untuk mengenal pasti punca sebenar kejadian. Sekiranya didapati berlaku kecuaiian atau kesalahan oleh mana-mana pihak yang berkenaan, tindakan undang-undang boleh diambil di bawah Akta Bekalan Elektrik, 1990 [Akta 447] dan Peraturan-Peraturan Elektrik, 1994.

ST juga menasihati orang ramai agar sentiasa berhati-hati dengan risiko renjatan elektrik daripada kebocoran arus yang mungkin berlaku di sekitar kediaman, terutamanya di musim hujan dan banjir yang sedang melanda negara kini.

Orang ramai juga dinasihati sentiasa memerhatikan persekitaran kediaman dan melaporkan dengan segera kepada pihak utiliti bekalan elektrik sekiranya terdapat kejanggalaan pada pemasangan elektrik seperti penebat wayar elektrik koyak dan sebagainya.

Berikut dikongsikan tips langkah-langkah pengawasan yang boleh diambil bagi memastikan keselamatan elektrik sebelum, semasa dan selepas banjir:

### **Sebelum Banjir**

Sekiranya mempunyai masa sebelum diarah berpindah, pastikan perkara berikut dilakukan:

- Matikan bekalan masuk utama ke rumah di papan agihan dengan meletakkan suis utama pada kedudukan 'OFF'.

---

#### **MENGENAI SURUHANJAYA TENAGA**

Suruhanjaya Tenaga (ST) merupakan badan kawal selia yang bertanggungjawab untuk mengawal selia sektor tenaga, khususnya industri pembekalan tenaga elektrik dan gas berpaip di Semenanjung Malaysia dan Sabah. Suruhanjaya Tenaga memastikan bahawa pembekalan elektrik dan gas berpaip kepada pengguna adalah terjamin, berdaya harap, selamat dan pada harga yang berpatutan.

- Pastikan semua suis dalam keadaan 'OFF' dan cabutkan palam kuasa daripada soket kuasa semua kelengkapan elektrik.
- Sekiranya rumah anda dipasang dengan sistem solar PV atau pagar elektrik, matikan sistem tersebut sebelum anda keluar rumah.
- Simpan kelengkapan elektrik di tempat yang tinggi dan selamat daripada ditenggelami atau terkena air banjir.
- Pastikan menyimpan nombor telefon pejabat kecemasan seperti nombor balai polis, bomba, hospital dan Tenaga Nasional Berhad (TNB) yang berdekatan dan pastikan nombor tersebut mudah diakses semasa kecemasan.

### **Semasa Banjir**

- Elakkan daripada melalui kawasan yang ada talian elektrik kerana paras air yang tinggi akan menyebabkan talian tersebut mudah disentuh, terutamanya pada waktu malam kerana ketika itu penglihatan tidak begitu jelas.
- Jauhkan diri daripada lokasi yang terdapat talian elektrik jatuh atau putus bagi mengelak daripada renjatan elektrik akibat talian yang masih bertenaga.
- Jangan pegang tiang elektrik/tiang lampu/lampu isyarat atau dawai umbang tiang semasa banjir atau hujan kerana kemungkinan terdapat arus bocor.
- Dilarang menggunakan tiang elektrik dan dawai umbang tiang sebagai tiang ampaian.
- Apabila berada di luar rumah, jangan hampiri pemasangan elektrik seperti pencawang atau bilik suis elektrik yang ditenggelami air. Orang awam adalah dilarang untuk mengalih atau membaiki tiang elektrik tumbang atau talian elektrik putus atau jatuh ke tanah dan segera lapor kepada pihak pemegang lesen/utiliti.
- Jangan pegang tiang besi '*porch*' rumah kerana dikhuatiri ada arus bocor.

---

#### **MENGENAI SURUHANJAYA TENAGA**

Suruhanjaya Tenaga (ST) merupakan badan kawal selia yang bertanggungjawab untuk mengawal selia sektor tenaga, khususnya industri pembekalan tenaga elektrik dan gas berpaip di Semenanjung Malaysia dan Sabah. Suruhanjaya Tenaga memastikan bahawa pembekalan elektrik dan gas berpaip kepada pengguna adalah terjamin, berdaya harap, selamat dan pada harga yang berpatutan.

## Selepas Banjir

- Berhati-hati apabila berada di kawasan banjir kerana kelengkapan elektrik dan pemasangan elektrik yang ditenggelami air berpotensi mendatangkan bahaya. Ia boleh mengalirkan arus elektrik di kawasan persekitarannya dan boleh menyebabkan kehilangan nyawa.
- Pastikan suis utama di papan agihan berada pada kedudukan 'OFF' sebelum membersihkan peralatan elektrik atau pendawaian rumah untuk mengelakkan renjatan apabila pihak utiliti menyambung semula bekalan.
- Jangan menyentuh, memotong atau menarik dahan pokok yang jatuh menimpa talian elektrik kerana ianya mungkin masih bertenaga dan boleh mengakibatkan renjatan.
- Jangan gunakan kelengkapan elektrik yang terendam di dalam air atau pastikan semuanya diperiksa dan berkeadaan kering sebelum menggunakannya. Elakkan menggunakan kelengkapan elektrik yang diragui keselamatannya.
- Sebelum 'ON' suis utama, periksa semua pendawaian rumah dan kelengkapan elektrik yang terdapat di dalam rumah. Pemeriksaan ini hendaklah dilakukan oleh kontraktor elektrik yang berdaftar dengan ST.
- Jangan biarkan anak-anak bermain dalam kawasan pencawang elektrik yang telah ditenggelami banjir atau berhampiran dengan tiang elektrik yang tumbang atau di sekitar talian elektrik yang kendur atau jatuh di tanah.


Sekiranya terdapat sebarang kemusykilan atau aduan mengenai perkara ini, hubungi ST melalui talian 03-8870 8800 atau email ke [eaduan@st.gov.my](mailto:eaduan@st.gov.my). Layari laman web ST di [www.st.gov.my](http://www.st.gov.my).

---

### MENGENAI SURUHANJAYA TENAGA

Suruhanjaya Tenaga (ST) merupakan badan kawal selia yang bertanggungjawab untuk mengawal selia sektor tenaga, khususnya industri pembekalan tenaga elektrik dan gas berpaip di Semenanjung Malaysia dan Sabah. Suruhanjaya Tenaga memastikan bahawa pembekalan elektrik dan gas berpaip kepada pengguna adalah terjamin, berdaya harap, selamat dan pada harga yang berpatutan.

### 1 Sebelum Banjir



- Off suis kelengkapan elektrik dan diikuti suis utama.
- Pindahkan kelengkapan elektrik ke tempat yang tinggi.



### 2 Semasa Banjir



#### Jangan!!!

- Petik suis, sentuh kelengkapan / kabel elektrik dengan tangan basah.
- Pegang struktur/tiang/pagar besi
- Hampiri/berenang/meredah air banjir berdekatan pemasangan elektrik.
- Alih/baiki/ uji talian atas elektrik yang putus/jatuh ke tanah.



### 3 Selepas Banjir



- Off suis utama sebelum kerja-kerja pembersihan.
- Pastikan kelengkapan elektrik kering sebelum digunakan.
- Lantik kontraktor elektrik berdaftar dengan ST.



Jadilah  
**bijak**  
Tenaga

THINK SAFETY, THINK ST

\*\*\*Tamat\*\*\*

Untuk keterangan lanjut, sila hubungi:

Azlina Mohammad Jais/Hazwani Ghazali/Muhammad Harith Safruddin

Unit Promosi dan Hubungan Luar

Tel: 03-8870 8753/019-3589255 (Azlina)/011 28866271 (Hazwani)/018 3822545 (Harith)

Emel: azlinamj@st.gov.my/noorhazwani@st.gov.my/harith@st.gov.my

#### MENGENAI SURUHANJAYA TENAGA

Suruhanjaya Tenaga (ST) merupakan badan kawal selia yang bertanggungjawab untuk mengawal selia sektor tenaga, khususnya industri pembekalan tenaga elektrik dan gas berpaip di Semenanjung Malaysia dan Sabah. Suruhanjaya Tenaga memastikan bahawa pembekalan elektrik dan gas berpaip kepada pengguna adalah terjamin, berdaya harap, selamat dan pada harga yang berpatutan.